

Хө усллгъ бүрдәлгәнә төрмүд

Ода „Кировск“ совхозта негдси „Луговой“ совхозд хөбнә отармудар татдг көлгн, ус зөбдг тергн, бочк, онъгъц, худгин киити ус нарнд буләлдг орм татг болдг билә. Эн хамг дуту-дундас көлтә тер совхоз кесг зун хөбгярн гарутсми. Иим йовдлмуд совхозмудар бәәх зөв уга. Хөбнә отар болгънд—нег кецтә вагончиктә, ус зөблгәнә 4 тергтә, зөбгдәд йөвдг хойр онъгъцта, зуугъад суулгъ усн ордг 4 бочкта, дакад татдг 4-5 пар царта болдгар кех кергтә.

Зәрм эдл-ахусар цар болн мөрн көлгән мартад, хөбдән нургълдж машигяр усллгън үнтә болдж тусна. Улгүрин төлә тер „Луговой“ совхозин 10 минъгън хургъта 25 минъгън хө усллгъ авад хәләй. Тер хөбдт сууткдан 280 тонн, эс гидж нег сезонд, май сарас авн октябрь сар күртл 420

минъгън тоннокилометр газрт ус зөбх кергтә. Дөрви тонн бензин ордг цистернәр зөбси усна нег тоннокилометрин үннь 36-40 деншг болдж тусна, эс гидж сезона эргцд нег хөн 4 арслнь 43 деншгә ус ууджана, цар эс гидж мөрн көлгәр зөбдж услхла—тер гару нег арслнь 64 деншг болна.

Усн уга, эс гидж худгас хөл газрин идгт хойр отар болгънд 20-25 кубометр усн ордг бассейн кедж болхми. Тним бассейниг кирпичәр кехлә үнтә гихлә, силосн траншейшнь нүк малтад, аминь цементләд кедж болхми, ним ус кедг нүкн үнтә биш, ут-туршдан 700 арслньгас давхш. Уста нуурмуд бәәдг совхозмудар тер нуурмудин көвәгяр гүүндән 2-3 метр худг малтад, сән ус гаргъдж эдлдж болхми.